

Sier Anzolo Zen qu. sier Vicenzo, qu.
sier Piero. 132. 57
Sier Zacaria Trivixan, fo avochato gran-
do, qu. sier Beneto el cavalier . . . 108. 79

In questa note passata, hessendo bonazà el tempo, le galle de Baruto, capitano sier Andrea da Molin, state zorni 19 a Parenzo, fece la parenzana, et la mattina fo viste sora porto, et vene in terra sier Alvise d'Armer venuto lohotenente di Cipro, e sier Zuan Andrea Badoer stato consier in Cipro.

A dì 5. La matina non fo alcuna letera. Veneno in Colegio sier Alvise Bon el dottor, venuto podestà di Chioza, in loco dil qual eri andoe sier Marin Moraxini. Era vestito di veludo cremexin, et referi di quelle cosse, qual è di poco momento. Il Doxe lo laudoe, justa il solito, et vene zoso. Da poi, sier Alvise d'Armer, venuto locotenente di Cipro, vestito di veludo cremexin alto e basso, comenzò a referi di quelle cose di Cipro assa' particolarità; et sier Zuan Andrea Badoer, stato Consier in Cipro per danari, *etiam* vestito, *ut supra*, si riportò a quello havia ditto el Locotenente. Et da poi fo chiamati i Cai di X, et ditto sier Alvise disse alcune cosse zercha casali si vol vender per aver danari et altro. Fono laudati dal Principe justa il solito.

In questa matina le galle di Baruto introe, capitano sier Andrea da Molin; su le qual hanno di sua raxon di Molini per ducati 40 milia et più. È venuto dito capitano con optima fama. Il viazo è stà curto, ma è stati zorni 19 in Histria.

Fo divulgato una zanza per la terra, *incerto auctore*, per non esser letere di Roma da poi la creation dil Papa, di che sier Alvise Gradenigo orator nostro vien molto cargato a non seriver. Hor fo dito el papa electo, ch'è il reverendissimo cardinal Dertunisense, qual è in Spagna, esser morto zà uno mexe in Spagna; sichè li cardinali hanno creato uno papa morto. Et si dice vien messo scomesse in Fontego di . . . per cento, che l'è morto.

242 Da poi disnar, fo Consejo di X con la Zonta per trovar danari. Si dice voleno vender casali in Cipro per ducati 12 milia.

Di Crema, fo letere dil Foscolo podestà et capitano, di 12, hore 4. Come erano zà passati di qua di Ada bandiere 14 di spagnoli et alozati a Trevi et Vayllà. Tien siano venuti per mutar alozamenti; altri dice per andar a Bergamo. Lui non manca in Crema di far ogni provision etc. *Item*, ha aviso di Zenoa esser zonto il capitano Baiardo francese, et aspelavano zonzese li a Zenoa fanti . . .

Di Bergamo, di sier Zuan Vituri podestà et vicecapitano, di 12, hore 4. Come i nimici erano passati a Rivolta Secha. Scrive il numero in tutto fanti spagnoli . . . et 7 pezi di artellaria, alozati li intorno Trevi etc., e di le provision ha fato.

Dil dito, di 13, hore 8. Come erano zonti li domino Antonio di Castello capo di le fantarie, et domino Rizin di Asola con fanti 2000 mandati dal provedador Griti et Nani, et che erano stà ben acceptati da quelli di Bergamo, che prima mal volentiera acceptavano zente in la terra, et questo per dubito dil sacho. *Item*, come haveano fato la description di homeni di le valade et ne haveria da 6 in 7 milia; et che era andato con quelli atorno le mure et visto li bisognava almen 12 pezi di artellaria; sichè ha serito di questo al clarissimo Griti. Scrive aver auto letere dil dito Griti, che monsignor di Lutrech si ha oferto in ogni bisogno venir con 600 lanze et 4000 fanti soi in ajuto di Bergamo. *Item*, i nimici hanno fato, oltre el ponte fato a Rivolta Secha, uno altro ponte a Cassano; et altre particolarità, *ut in litteris*.

Di sier Andrea Griti procurator, provedador zeneral, date a Palazuol, a dì 13, hore . . . Come era partito di Cremona et venuto li per queste oceorentie de i nimici che haveano passato Ada.

In questo Consejo di X fo preso di vender do 242* casali in Cipro a rason di 7 per 100, secondo è apaltadi al presente; uno di qual chiamato Leschonicho fo dato a domino Giacomo di Negron per ducati 8200 d'oro in oro, *videlicet* 4200 *de presentis* et il resto termine mexi 6 pur in questa terra; l'altro casal, chiamato, a sier Alvise Corner qu. sier Andrea, qual stà in Cipro, per ducati . . . *Item*, uno altro chiamato . . . qual dà ducati 500 de intrada, uno chiamato . . . el vol comprar. Et balotà, non fo preso, tante di sì, quante di no, *tamen* lo darano. Sichè trovano ozi per ducati . . . milia, che sarano al proposito di le presente oceorentie.

A dì 16. La matina, vene in Colegio sier Andrea da Molin venuto capitano di le galle di Baruto, vestito di veludo cremesin, et referi il suo viazo breve, qual l'ha fato in mexi cinque, ma è stato zorni 20 in Histria; poi ave il dì di santa Catarina una fortuna in colfo di Ludrin che 'l convene far tornar, e stete a la Valona 9 zorni, che fo causa dil suo tardar, che saria stato a dì 5 Dezembrio qui. Dice le galle è carge e si è fato ben il viazo, e il Signor turco è pacifico signor di la Soria, e turchi fanno bona compagnia a' nostri, meglio assai di quello feva mori. Le sede vien di la Persia come prima. Et disse che a Baruto